



MASJID
AL-KHAIR

MIMBAR DARUL TAFSIR

PENULIS ARTIKEL

USTAZ DR. MUHAMMAD HANIFF HASSAN
FELO
SEKOLAH PENGAJIAN ANTARABANGSA
UNIVERSITI TEKNOLOGI NANYANG, SINGAPURA



Kandungan

Halal dan Tayyib (baik) Dalam Pemakanan	01	07 Tawakkal dan Usaha
Surah Yasin Ayat 13 - 30	02	08 Berempati terhadap mereka yang alami ujian berat
Berlaku adil kepada semua	03	09 Berita Angin, Bergosip dan hubungan sesama manusia
Allah Taala penentu siapa yang layak masuk Syurga	04	10 Muslim dan Kuasa
Sikap terhadap golongan yang menolak kebenaran	05	11 Memberi dan menerima Hutang
Dahulukan Sifat Pengasih	06	12 Rezeki dari Allah Taala





Kandungan

Menunaikan Janji	13	18	Menghadapi Golongan yang Negatif
Menjadi Jutawan tidak dicela Islam	14	19	Elak Mudarat dan Konfrontasi dalam Dakwah
Ujian pada Nikmat dan Kesenangan	15	20	Risiko salah faham jika tidak memahami konteks ayat Al-Quran
Ikhlas dan memberi ganjaran bagi khidmat Agama	16	21	Penentuan Syurga dan Neraka
Hukum bagi wang haram	17		



PENENTUAN SYURGA DAN NERAKA

ذَٰلِكَ بِأَنَّهُمْ قَالُوا لَنْ تَمَسَّنَا النَّارُ إِلَّا أَيَّامًا مَّعْدُودَاتٍ ۗ

وَعَرَّهٖمْ فِي دِينِهِمْ مَا كَانُوا يَفْتَرُونَ ﴿٢٤﴾

“Yang demikian ialah disebabkan mereka (mendakwa dengan) berkata: Kami tidak sekali-kali akan disentuh oleh api Neraka melainkan beberapa hari sahaja yang boleh dihitung. Mereka (sebenarnya) telah diperdayakan dalam agama mereka, oleh dakwaan-dakwaan dusta yang mereka telah ada-adakan.”
(Al Imran: 24)

PELAJARAN

Ayat ini mencela sikap kaum Yahudi yang mempunyai tanggapan bahawa mereka mempunyai hak istimewa untuk masuk syurga atau syurga hanya untuk mereka sahaja.

Kalau pun mereka dimasukkan neraka kerana dosa-dosa yang dilakukan, ia hanyalah untuk sementara sahaja. Setelah itu, Allah taala pasti akan memasukkan mereka ke syurga, manakala mereka yang bukan Yahudi atau tidak beragama Yahudi akan kekal dalam neraka.

Fahaman yang tepat ialah ayat-ayat sebegini bukan hanya untuk memberitahu tentang sikap tercela sebahagian kaum Yahudi, tapi ia juga untuk dijadikan pelajaran bagi Muslim agar tidak melakukan yang sama.

Hal ini adalah kerana soal siapa masuk syurga atau neraka atau kekal selama-lamanya dalam neraka adalah hak eksklusif Allah taala semata-mata, bukan hak mana-mana manusia.

Al-Quran memberitahu bahawa Nabi s.a.w pun tidak mempunyai hak untuk menentukan sedemikian, tanpa izin dari Allah taala (lihat Al Imran: 128).



Al-Quran memang menyebut bahawa syurga adalah balasan bagi mereka yang taat dan patuh pada agama Allah taala, iaitu Muslim.

Ayat-ayat ini berbicara secara prinsip umum. Namun, aplikasi kepada individu, kumpulan atau masyarakat tertentu secara pasti adalah berbeza kerana tiada manusia yang benar-benar tahu siapakah sebenar Muslim atau kafir di mata Tuhan. Hakikat ini hanya Tuhan yang tahu.

Seorang itu boleh sahaja kelihatan amat soleh dan berilmu dalam agama, tetapi dia mungkin kafir di mata Tuhan, tanpa diketahui oleh sesiapa.

Seorang yang lain pula mungkin kelihatan teramat jahat, zalim dan banyak bermaksiat, tapi dia ada lakukan beberapa kebaikan yang menyebabkan Allah taala mahu mengampunkan dosanya, hingga di Akhirat nanti dia dimasukkan ke syurga, tanpa disedari oleh sesiapa pun di dunia ini.



Selain itu, manusia juga tidak tahu akan akhir hidup seseorang itu, samada baik atau buruk.

Hadis ada melaporkan bahawa seorang yang soleh hari ini boleh mati dalam keadaan tercela hingga di masukkan ke neraka.

Manakala yang jahat dan bermaksiat hari ini boleh berakhir hidupnya dalam keadaan terpuji hingga dimasukkan ke syurga. Oleh itu, selagi seorang itu masih hidup, peluang untuk ke syurga tetap terbuka dan risiko ke neraka tetap ada, walau apa pun keadaannya pada hari ini.

Oleh itu juga, seorang Muslim yang faham akan amat berhati-hati apabila mendakwa syurga untuk dirinya dan neraka untuk orang lain, walau pun orang itu bukan Muslim.



Seorang Muslim yang tidak tahu status dirinya secara pasti di mata Tuhan, wajarlah bersifat warak untuk buat dakwaan bahawa dia pasti masuk syurga, kalau masuk neraka pun hanya untuk sementara.

Begitulah juga, seorang Muslim yang tidak tahu status orang lain di sisi Tuhan secara pasti hendaklah bersikap warak untuk menafikan syurga bagi orang itu atau menghukumkan dia kekal dalam neraka.

Hal ini tidak bermakna seorang Muslim tidak perlu membuat pendirian moral terhadap sesuatu perbuatan samada ia salah atau betul. Namun pendirian ini tidak semestinya disertai dengan penentuan secara pasti (ta'yin) terhadap seseorang atau kumpulan, bahawa mereka ahli neraka atau syurga.

*Harap artikel ini bermanfaat bagi anda.
Sumbangan ikhlas anda amat kami hargai.*

1. PayNow UEN S97MQ0018D
2. Pemindahan Wang OCBC Current 581-6766-40001

Kami berterima kasih dan moga Allah SWT merahmati dan membalas budi anda dengan kebaikan setimpal!

